

Dari Sebulan ke Sebulan

Ustaz Uthman Abdullah al-Haj, sepulangnya dari haji telah membidas keadaan shaykh haji di Makkah telah menempatkan orang-orang haji di dalam sebuah bilik hingga sampai berbelas-belas orang dalam masa musim haji. Perkataannya tidak dapat dinafikan kerana sebenarnya banyak di antara jemaah-jemaah itu terpaksa bersesak-sesak di rumah yang disiapkan oleh shaykh-shaykh mereka di Makkah. Tetapi nampaknya ustaz ini tidak pula memerhatikan sebab musababnya maka begitu. Beliau ini hanya mencelanya sahaja tetapi tidak memikirkan keadaan, masa dan kegemaran serta kemahuan jemaah-jemaah haji itu sendiri. Bagi orang-orang haji, umumnya, mereka tidak mau tinggal jauh dari Masjidil Haram. Mereka suka tempat-tempat yang berhampiran dengannya, kalau boleh keluar pintu terus masuk ke dalam Masjidil Haram.

Jemaah-jemaah itu tidak mau tinggal di tempat-tempat jauh, lima enam batu di luar kota. Untuk memberi tempat kepada umat yang beratus-ratus ribu banyaknya dan semuanya mau hampir kepada Masjidil Haram tentulah sukar kerana itu kita dapat melihat, di dalam musim haji, banyak jemaah-jemaah haji dari lain negeri yang tidur di tepi-tepi jalan, dan boleh terus-menerus mau tidur di dalam Masjidil Haram.

* * *

Tidakkah ustaz memikirkan, jika kalau di Kuala Lumpur ada sahaja perayaan besar, di manakah hendak menempatkan manusia yang beratus-ratus ribu yang datang itu? Fikirlah

dan dibandingkanlah kalau mau senang, tinggal jauh-jauh dan kalau mau lebih senang sewalah hotel atau tempat khas yang dibayar dengan bayaran lain. Ini lebih logik.

* * *

Perkara tempat yang berhampiran dengan Masjidil haram ini pula telah menjadi perkara-perkara yang digunakan oleh shaykh-shaykh haji. Untuk membeli jemaah, mudah benar bagi shaykh itu mempengaruhi seseorang jemaah, terutamanya orang-orang kampung. Mereka senang benar “digosok” asakan¹ dikatakan tempat seseorang shaykh itu jauh dari Masjidil Haram dan ia akan bertukar shaykh kepada shaykh yang dikhabarkan tempatnya berhampiran dengan Masjidil Haram. Walhasil kalau mau senang, bayar belanja lebih dan rundingkan semuanya lebih dahulu. Sedang dalam kapal pun ada tempat yang lebih senang, ada tourist, A dan B. Dan ada tourist biasa. Bayarannya pun berlainan pula. Sedang shaykh-shaykh atau sesiapa pun ada yang jahat dan ada yang baik – untuknya jangan terus mencela terus “shaykh-shaykh Arab” Makkah sahaja pada hal banyak di antara shaykh-shaykh yang berhubung dengan gugusan pulau-pulau Melayu terdiri dari “orang awak sendiri.”

* * *

Terlanjur bercerita mengenai haji, kita hairan pula melihat Ustaz Uthman Abdullah al-Haj senyap dalam

¹ Perkataan sebenar ialah asalkan.

perkara mengenai kapal haji Kuala Lumpur. Barangkali kerana ia belayar sebagai “pegawai haji” yang tentunya mendapat keistimewaan. Cubalah perhatikan makanan-makanan di dalam Kelas Satu. Dagingnya, ikannya yang dihidangkan hanya tidak melebihi daripada barang-barang hampas kerana telah lama disimpan di dalam air batu. Tidak ada rasanya langsung, pada hal mereka duduk di dalam Kelas Satu. Layanan pelayan-pelayannya tidak memuaskan. Apabila kapal belayar sahaja, pelayan-pelayan datang kepada tiap-tiap bilik mengesyorkan supaya menempah makanan untuk dihantar ke dalam bilik kerana kapal nanti akan menghadapi gelombang yang besar. Dalam tahun 1961, permulaan kapal Kuala Lumpur digunakan, kelas-kelas dibenarkan berjualan barang-barang dimasak pada hal barang-barang itu disimpan di dalam tempat sejuk yang bercampur tempatnya dengan daging babi. Ini telah menjadi keributan.

Walhasil, ya ustaz, banyak lagi yang perlu dikaji di dalam hal yang mengenai kita. Kita juga mau jaminan adakah daging atau lembu yang duhidangkan itu disembelih di Singapura atau pun dari Australia – yang dipotong atau dikerjakan oleh seorang untuk memotong beribu-ribu kambing di dalam sehari. Siasatlah dan periksalah. Laju dan derasnya perjalanan kapal dan air bekalannya – payau dan tawar sehingga ada yang sakit perut meminumnya.

* * *

yang duduk di Mesir sudah berpuluhan tahun bahawa tarian ini adalah sebagai suatu tarian kebangsaan yang istimewa kerana itu, kanak-kanak Mesir dari kecil lagi diajar untuk menari ini. Di dalam kelab-kelab malam tarian-tarian itu ditunjukkan dengan keadaan hampir-hampir telanjang tetapi kemudian pusat dan buah dada ditutup dan sekarang pinggang dan kaki mereka ditutup. Kalau ini dibuat, keadaannya tidak mengubah terutamanya kalau tutupnya dari kain-kain sutera. Walhasil, menurut keterangan wartawan ini, kepada penulis, kalau ada perayaan-perayaan perkahwinan maka tarian ini tidak dikecualikan tempatnya lagi – sehingga di rumah-rumah alim besar pun dilakukan. Ini menjadi contoh bahawa di Mesir semuanya ada dan banyak misalnya.

Akhbar Melayu tempatan, bagi kali yang keduanya telah membesar-besarkan perkara seseorang perempuan yang murtad kerana mencari jalan mendapat hak-haknya di dalam perkara perselisihan dengan suaminya. Di dalam soal-soal seperti ini tidak boleh disalahkan sesiapa, sama ada suami atau Halimah sendiri (dalam perkara nafkah) sebab orang-orang hanya tahu hal yang tersurat dan tidak tahu hal yang tersirat. Tetapi tentang murtad maka ini dilaknat. Keberanian perempuan ini, luar biasa kerana berani murtad dan melanggar agama kerana baharu kesusahan yang sedikit. Hal ini bukannya perkara mudah. Bagi akhbar tempatan yang membesar-besarkan perkara ini hendaklah menyedari bahawa perkara murtad bukan perkara luar biasa tetapi kalau selalu disiarkan, dan dibesar-besarkan

Tarian “gelek” atau lebih terkenal dengan kita di sini tarian “Samiyah Gamal” adalah menjadi satu tarian yang dipandang sebagai suatu tarian istimewa di Mesir. Menurut keterangan seorang wartawan Indonesia

lebih berbahaya kerana memberi contoh kepada orang lain

untuk melanggar hukum Tuhan. Jagalah azab Allah!

* * *

Suatu peristiwa yang besar telah terjadi di dalam mana telah diadakan perjumpaan Tengku Abdul Rahman dengan Sukarno di Tokyo. Dengan perjumpaan itu redalah sedikit, sekurangnya, perselisihan di antara Malaya dengan Indonesia di dalam perkara yang terbit daripada Malaysia. Sememangnya, kalau belum bertemu muka, sudah sekali berpanas-panasan tetapi kalau sudah berjumpa dan jadi rapatlah perhubungan terutamanya pula kalau sifat dendam mendendam tidak ada. Inilah baiknya bersemuka sebab tidak ada tambahan-tambahan yang sejengkal jadi sedepa.

* * *

Malaya dengan Indonesia telah aman tetapi di Selat Melaka, yang beberapa zaman dahulu aman dan damai sudah ada pula lanun-lanun yang menembak dan merompak pengail-pengail di selat itu. Ini satu perkara yang mustahak diperhatikan, bukannya sahaja oleh Malaya yang mesti berkawal tetapi juga oleh kerajaan Indonesia sebab mungkin perbuatan “anak-anak” itu akan menerbitkan pula perkara-perkara yang tidak diingini.

* * *

Perkara Malaysia nampaknya, dalam masa yang akhir-akhir ini sudah membawa retak pula sedikit, sebab persoalan Singapura dan Brunei. Nampaknya menjadi gendala. Tadinya harapan Malaysia selesai sudah tidak ragu-ragu Lagi. Dengan kejadian ini maka teringatlah orang kepada cogan Malaysia yang diiklankan di mana-mana di Singapura ini: “Malaysia pasti timbul seperti matahari yang akan timbul” kalau istilah orang agama

perkataan “pasti” tidak boleh digunakan,

sebab penentuan itu takbur namanya sedang yang

boleh menetapkan sesuatu adalah Allah semata-mata – tidak ada kuasa manusia padanya. Kalau orang Islam tentunya memakai perkataan *in shā'a Allah* – atau diharap atau dicita-cita dan seumpamanya. Mudah-mudahan ini menjadi suatu pengajaran dalam berkata-kata dan menyusun perkataan supaya selamat dunia dan akhirat.

* * *

Rompak dan seumpamanya nampaknya semakin menjadi-jadi berlaku di Singapura dan di dalam bandar-bandar di Kuala Lumpur. Pada hari-hari gaji polis sekarang terpaksa berkawal rapi untuk menjaga supaya jangan berlaku lagi perkara-perkara yang tidak diingini. Rompak di tengah-tengah terang dan siang-siang hari telah menjadi-menjadi. Kejadian ini terjadinya dalam banyak sebab. Pertama mau mudah cari dapat wang. Kedua terdesak hidup dan sukar mendapat kerja-kerja. Yang mana sabar dapatlah menahan diri tetapi mana-mana yang nekad tentulah akan berbuat semau-maunya dengan dua tujuan: kalau lepas, selamat dan gembira. Kalau tertangkap makan tetap ada. Tetapi di dalam semua hal adalah terletak dan bergantung kepada kedudukan ekonomi. Ekonomi Singapura bergantung kepada kedudukan ekonomi.

Ekonomi Singapura bergantung kepada perusahaan-perusahaan padahal perusahaan-perusahaan sekarang semakin kurang dan berasa keberatan-keberatan diderita mereka dengan sebab leluasnya pertubuhan-pertubuhan buruh mau pendapatan lebih, kerja kurang. Akhirnya tidak ada kemahuan ahli-ahli perusahaan untuk meluas dan membesar kan usahanya untuk memberi tempat orang-orang baharu untuk bekerja. Inilah kedudukan kita di Singapura yang patut kerajaan memerhatikan lebih utama daripada berhajatkan undi.